



Comuniscj? Burlons chei di Pol Pot, beoi chei di Stalin. Fassiscj? A fasevin ridi. SS? Bogns al plui par fâ une scampagnade come cun chei di Bin Laden. ISIS? Diletants. No, no, il piës nemì par Jacum al jere il so vicin di cjase, chel che la domenie di matine, invezit di lâ a messe, al meteve in moto il rumorôs imprest par soflâ vie lis fueiis. Chel che al brusave di dut tal so for: bancâi, plastiche, mobii di formiche, gomis... e cussì Jacum nol olsave vierzi un barcon par no intosseâsi.

Ma Jacum al jere lât li dal Marsiliê, il bintar dal paîs, chel che al veve lavorât in France... chel là po... sì che lu cognossê... al veve brusât lis barachis e lis muiniis lu vevin denunciât... al veve vuadolât gno barbe sul sagraâ dal paîs... uh ce tantis botis che al veve cjapât gno puar barbe ta chê dì...

Il Marsiliê al cognosseve ducj ma propit ducj i malandrins, ancje i forescj, financje la "mala" balcaniche!

E cussì, cun cualchi centenâr di euros cumò Jacum al veve un biel BAZOOKA e un sôl colp... nol varès vût di sbaliâ!!!

di Milio dai cjans